



# SLUŽBENI GLASNIK

## UNSKO-SANSKOG KANTONA

Godina VIII - Broj 4

8. april 2004.  
BIHAĆ

Izdanje na bosanskom  
jeziku

### 463.

Na osnovu člana 11 Odjeljka A, poglavlja V. Ustava USK-a - Prečišćeni tekst ("Sl.glasnik Unsko-sanskog kantona" br. 1/04), na prijedlog Vlade Unsko-sanskog kantona, Skupština Unsko-sanskog kantona na 19. sjednici održanoj dana 25.03.2004. godine, donijela je

### ZAKON

#### O IZMJENAMA I DOPUNAMA ZAKONA O PROSTORNOM UREĐENJU UNSKO-SANSKOG KANTONA

##### Član 1.

U Zakonu o prostornom uređenju (Službeni glasnik USK, br. 9/ 02) u članu 29. stav 1. tačka d mijenja se i glasi:

"Za područja svih općina Kantona - Prostorni plan općine ili urbanistički plan općinskog centra sa zoniranjem ukupnog područja općine".

##### Član 2.

U članu 36. stav 1. iza riječi Kantona brišu se riječi "odnosno prostornog plana općine Bihać", i dodaju se nove riječi "odnosno prostornih planova općina".

##### Član 3.

U članu 47. iza stava 1. dodaje se novi stav 2. koji glasi:

"Izmjene i dopune usvojenih dokumenata prostornog uređenja ne smiju se vršiti u periodu od dvije godine po njihovom donošenju".

##### Član 4.

U Članu 54. stav 1. mijenja se i glasi:

"Ako dokumenti prostornog uređenja, koji su odredbama člana 53. ovog Zakona propisani kao osnova za donošenje urbanističke saglasnosti nisu doneseni, ili ako su ti dokumenti usvojeni prije 10 i više godina, Ministarstvo i općinska služba nadležno za poslove prostornog uređenja će, zavisno od nivoa utvrđene nadležnosti, donijeti rješenje o urbanističkoj saglasnosti na osnovu stručne ocjene Komisije koju imenuje Skupština Kantona, odnosno općinsko vijeće, ili na osnovu stručne ocjene organizacije koju ti organi ovlaste za davanje stručne ocjene".

##### Član 5.

U članu 96. stav 1. riječi "u roku od godinu dana" zamjenjuju se riječima "u roku od dvije godine dana".

U stavu 2. riječi "od dana stupanja na snagu ovog Zakona" mijenjaju se riječima "od dana donošenja prostornog plana Kantona".

##### Član 6.

Ovaj Zakon stupa na snagu danom objavljivanja u "Službenom glasniku Unsko-sanskog kantona".

Broj: 01-1-173/04  
25. mart 2004. god.  
Bihać

Predsjedavajuća Skupštine  
Unsko-sanskog kantona  
dr **Jasminka Durić**

**464.**

Na osnovu člana 1 l. Odjeljka A, poglavlja V. Ustava Unsko-sanskog kantona - Prečišćeni tekst ("Sl.glasnik Unsko-sanskog kantona" br 1/04), na prijedlog Vlade Unsko-sanskog kantona, Skupština Unsko-sanskog kantona na 19. sjednici održanoj dana 25.03.2004. godine, donijela je

**ZAKON****O IZMJENAMA I DOPUNAMA ZAKONA O KORIŠTENJU, UPRAVLJANJU I ODRŽAVANJU ZAJEDNIČKIH DIJELOVA I UREĐAJA ZGRADA****Član 1.**

U Zakonu o korištenju, upravljanju i održavanju zajedničkih dijelova i uređaja zgrada ("Službeni glasnik Unsko-sanskog kantona", broj: 6/01), član 1. stav 2. mijenja se, i glasi:

"Suvlasnikom na zajedničkim dijelovima i uređajima zgrada u smislu ovog Zakona podrazumijevaju se lica koja su vlasništvo na posebnom dijelu zgrade stekla po odredbama Zakona o svojini na dijelovima zgrade ("Službeni list SR BiH", broj: 35/77), lica koja su pravo vlasništva na posebnim dijelovima zgrade stekla po odredbama Zakona o prodaji stanova na kojima postoji stanarsko pravo, kao i pravna lica - nosioci prava raspolaganja posebnim dijelom zgrade".

Iza stava 2. dodaje se novi stav 3 koji glasi:

"Održavanje i upravljanje zajedničkim dijelovima i uređajima zgrada je javni interes."

**Član 1.a**

U Članu 2. stav 1. dodaje se alineja 21. koja glasi:

" - instalacije kablovskih, antenskih sistema i uređaja  
-ostali sistemi i uređaji "

**Član 1.b**

U Članu 3. iza stava 1. dodaju se novi stavovi 2., 3., 4. i 5. koji glase: "Nije dozvoljeno da se u zajedničke dijelove zgrade uvode nove instalacije koje nisu zajedničko vlasništvo suvlasnika zgrade (instalacije kablovskih i antenskih sistema i uređaja, plinske instalacije, instalacije centralnog grijanja i sl.)."

"U zgradama u kojima su ove instalacije uvedene prije stupanja na snagu ovog Zakona, suvlasnici zgrade i davaoci usluga su dužni u roku od 6 mjeseci od dana stupanja na snagu ovog

Zakona, sve instalacije prenijeti u suvlasništvo vlasnika posebnih dijelova zgrade i povjeriti ih upravitelju na održavanje."

"Instalacije iz stava 2. su sastavni dio međuvlasničkog ugovora i ugovora sa upraviteljem poslije izvršenja obaveze iz stava 3."

"Nadležni organ ne može izdati odobrenje za izvođenje radova iz stava 2. bez potpisanog međuvlasničkog ugovora i odluke suvlasnika zgrade. "

**Član 2.**

Član 9. mijenja se, i glasi:

"Suvlasnik koji otuđi svoj posebni dio, ili mu promjeni namjenu, dužan je odmah dostaviti o tome pismeni dokaz upravitelju i obavijestiti ovlaštenog predstavnika suvlasnika. U tim slučajevima suvlasnik nema pravo na vraćanje uloženi sredstava u zajedničku finansijsku rezervu.

Svaki suvlasnik koji vlasništvo na posebnom dijelu zgrade stekne u prometu nepokretnosti, preuzima sve obaveze ranijeg vlasnika posebnog dijela na kojem je on stekao pravo vlasništva u skladu sa ovim Zakonom".

**Član 3.**

U članu 12. iza riječi "odlučuju o" dodaje se nova alineja 1., koja glasi: " - izboru pravnog lica koje će biti upravitelj zgrade".

Iza alineje 8. dodaju se nove alineje 9. i 10., koje glase:

" - Reviziji ranije izdatih rješenja i ugovora o zakupu zajedničkih prostorija".

" - Promjeni namjene stana u poslovni prostor i vrsti poslovne djelatnosti koja će se u stanu obavljati".

U članu 12. alineje mijenjaju redoslijed, tako da dosadašnje alineje od 1. do 8. postaju alineje 2. do 9., nove alineje 9. i 10. postaju alineje 10. i 11., a dosadašnje alineje 9. i 10. postaju alineje 12. i 13.

**Član 3.a**

Iza člana 12 dodaje se novi član 12.a koji glasi:

**"Član 12.a**

Suvlasnici nemaju pravo samovoljno izvoditi radove i vršiti izmjene na zajedničkim dijelovima i uređajima zgrade (fasadi, fasadnoj stolariji, lođama, balkonima, terasama, instalacijama centralnog grijanja i sl.)."

**Član 4.**

U članu 19. iza stava 2. dodaje se novi stav 3., koji glasi:

"Lokalni stambeni organ uprave će po službenoj dužnosti uvesti prinudnu upravu i odrediti prinudnog upravitelja čim se utvrdi da zgrada nema osigurano upravljanje i održavanje".

Dosadašnji stav 3. se briše i dodaju novi stavovi 4. i 5. koji glase: "Suvlasnicima kojima je određeno prinudno upravljanje, naknada utvrđena rješenjem prinudnog upravitelja u smislu Člana 29. i 30. počinje teći prvog dana tekućeg mjeseca u kojem je uvedeno prinudno upravljanje rješenjem lokalnog stambenog organa".

"Žalba na rješenja iz stava 4. ne odlaže izvršenje rješenja."

**Član 5.**

U članu 21. iza stava 2. dodaje se novi stav 3., koji glasi:

"U slučaju raskida ugovora o upravljanju i održavanju zajedničkih dijelova i uređaja zgrada upravitelj je dužan prebaciti neiskorištena sredstva zgrade na transakcijski račun novog upravitelja koji posjeduje certifikat za rad iz člana 33. stav 2. u roku od 15 dana od prijema pismenog zahtjeva novog upravitelja, odnosno od isteka roka predviđenog spomenutim ugovorom".

**Član 6.**

U članu 25. u alineji 5. iza riječi "fasade zgrade", dodaju se riječi "i zamjena fasadne stolarije".

**Član 7.**

U članu 27. stav 1. iza riječi "naknadu za" dodati riječi "upravljanje i".

**Član 8.**

U članu 30. tačka a) u alineji 3., cifra "k1 = 1,40" zamjenjuje se cifrom "1,25".

Iza tačke c) dodaju se novi stavovi 2. i 3. koji glase:

"Koeficijent  $k_3=1,15$  za zgrade sa centralnim grijanjem ne primjenjuje se za zgrade čija postojeća instalacija centralnog grijanja nije u funkciji i čiji vlasnici nisu uključeni u sistem centralnog grijanja, do stavljanja u funkciju. "

"Vlasnici mogu samoinicijativno u skladu sa svojim programom obezbjediti sredstva za popravku i stavljanje u funkciju instalacije centralnog grijanja."

**Član 9.**

U članu 31. stav 1. riječ "imovinu" zamjenjuje se riječima "finansijsku rezervu".

U alineji 1. riječ "redovnog" zamjenjuje se riječima "investicionog i tekućeg".

**Član 10.**

Član 32. mijenja se, i glasi:

"Ako se opravke i radovi navedeni u članu 22., 23., 24., 25. i 26. ne mogu obezbjediti i pokriti iz sredstava utvrđenih članom 29. i članom 43. radovi i opravke se trebaju osigurati dodatnim sredstvima suvlasnika u skladu sa programom održavanja zajedničkih dijelova i uređaja zgrada i programom osiguranja uvjeta za tehničku ispravnost zgrade u skladu sa članom 61. Zakona o građenju ("Sl. novine F BiH", br. 55/02) .

Iznos i način obezbjeđenja i uplate dodatnih sredstava za održavanje zgrade iz prethodnog stava utvrdit će se programom i aneksom ugovora o upravljanju i održavanju zajedničkih dijelova i uređaja zgrada između suvlasnika i upravitelja.

Dodatna sredstva za održavanje zgrade suvlasnici mogu obezbjediti i iz zakupnine ustupljenih i iznajmljenih zajedničkih dijelova zgrada, odnosno zajedničkih prostorija zgrade, ili tenderskom prodajom tih prostorija za potrebe velikih i nužnih opravki zgrade u skladu sa usvojenim programom.

Dodatna sredstva za opravku i održavanje fasada zgrada graditeljskog nasljeđa i spomeničke vrijednosti obezbjeđuje i lokalna zajednica svojim sredstvima koja ne mogu biti manja od 20% ukupnih troškova opravke fasade.

Općine na području Unsko-sanskog kantona dužne su u svom budžetu za svaku godinu planirati sredstva za obavljanje hitnih intervencija na zgradama u slučajevima koji mogu ugroziti sigurnost građana.

Radove koji utiču na stabilnost objekta ili ugrožavaju sigurnost vlasnika stanova ili građana, upravitelj će izvršiti na teret obezbijeđenih sredstava, a po izdatim nalogima nadležnih kantonalnih i općinskih inspeksijskih organa.

Upravitelj će u najkraćem roku o izvedenim radovima izvijestiti vlasnike zgrade koji su dužni nadoknaditi sredstva upravitelju sa odgovarajućom zakonskom kamatom za obavljene radove."

**Član 11.**

U članu 33. dodaju se novi stavovi 2. i 3., koji glase:

"Pored uvjeta predviđenih u članu 13. i 33. ovog Zakona Upravitelj mora posjedovati odobrenje za rad, odnosno certifikat koji izdaje Kantonalno ministarstvo za građenje, prostorno uređenje i zaštitu okoline".

Iza stava 2. dodaje se novi stav 3. koji glasi:

"Ministar Ministarstva iz stava 2. ovog člana donosi Pravilnik o uslovima za odobrenje poslova upravitelja".

#### Član 12.

U članu 34. stav 1. riječi "vrši Općinska urbanističko-građevinska inspekcija" zamjenjuju se riječima "vrše nadležni kantonalni i općinski inspekcijски organi".

#### Član 13.

U članu 37. stav 1. iza alineje 5. dodaju se nove alineje 6. i 7., koje glase:

"otuđi svoj posebni dio ili mu promijeni namjenu a o tome u roku od 8 dana ne dostavi pismeni dokaz upravitelju".

"stekne vlasništvo nad posebnim dijelom u prometu nepokretnosti, a o tome u roku od 8 dana ne dostavi pismeni dokaz upravitelju".

#### Član 14.

U članu 38. stav 1. iza alineje 4. dodaje se nova alineja 5., koja glasi: ne prebaci neiskorištena sredstva zgrade na transakcijski račun novog upravitelja u slučaju raskida ugovora o upravljanju i održavanju zajedničkih dijelova i uređaja zgrade u skladu sa članom 20. i 21. ovog Zakona. "

#### Član 15.

Iza člana 38. dodaje se novi član 38.a koji glasi:

"Član 38.a

Novčanom kaznom u iznosu od 5.000 do 10.000 KM kaznit će se za prekršaj stambeni organ uprave ukoliko ne postupi u skladu sa odredbama člana 19. stav 2. i 3. ovog Zakona.

Za prekršaj iz stava 1. ovog člana kaznit će se i odgovorna osoba u lokalnom stambenom organu uprave novčanom kaznom u iznosu od 100 do 1.000 KM."

#### Član 16.

U članu 39. stav 1. riječi "najduže 3 godine od dana stupanja na snagu ovog Zakona" zamjenjuju se riječima "do izbora upravitelja u skladu sa članom 33. ovog Zakona".

Iza stava 2. dodaje se novi stav 3. koji glasi:

"Nakon javno provedenog postupka izbora upravitelja, troškove upravljanja sa ovlaštenim upraviteljem utvrđuju suvlasnici i upravitelj međusobnim, ugovorom o upravljanju i održavanju zajedničkim dijelovima i uređajima zgrade"

#### Član 17.

U članu 42. dodaju se novi stavovi 2. i 3., koji glase:

"Ukoliko korisnik posebnog dijela iz prethodnog stava ima status raseljene osobe-prognanika i izbjeglice-povratnika bez zaposlenja i status socijalno ugroženog stanovnika, naknadu za upravljanje i održavanje zajedničkih dijelova i uređaja zgrade u kojoj se taj posebni dio nalazi uplaćuje upravitelju Kantonalno ministarstvo nadležno za socijalni rad putem općinskog organa nadležnog za stambene poslove".

"Prava, uvjeti i ukupan iznos naknada za upravljanje i održavanje zajedničkih dijelova i uređaja zgrade za kategorije stanovništava iz prethodnog stava utvrđuje se programom subvencioniranja troškova stanovanja socijalno ugroženih kategorija stanovništva koje na prijedlog nadležnog ministarstva utvrđuje Vlada USK-a na kraju tekuće godine i za kojeg sredstva moraju biti obezbjeđena u budžetu naredne godine".

#### Član 18.

U članu 43. cifra "950,00 KM" zamjenjuje se cifrom "600,00 KM".

#### Član 19.

Iza člana 43. dodaje se novi član 43.a, koji glasi:

"Član 43.a

Nadležni organi općina donijeće odluku o kućnom redu u cilju osiguranja reda, mira i čistoće u zgradama, kao i očuvanja zgrada i njihovih zajedničkih dijelova i uređaja u roku od 90 dana od dana stupanja na snagu Zakona o izmjenama i dopunama Zakona o korištenju, upravljanju i održavanju zajedničkih dijelova i uređaja zgrada."

#### Član 20.

Iza člana 44. dodaje se novi član 44.a, koji glasi:



**IV- OSNOVNI KAPITAL I VISINA UDJELA****Član 7.**

Osnivački ulog Društva izražen je u novcu i iznosi pet hiljada KM.

Kapital Društva čini imovina i prava.

Kapital se ne može smanjivati ispod iznosa utvrđenog zakonom.

Osnivač može u toku poslovne godine povećati, odnosno smanjiti vrijednost kapitala Društva u skladu sa Zakonom.

**V- PRAVA, OBAVEZE I ODGOVORNOSTI U PRAVNOM PROMETU****Član 8.**

Društvo u pravnom prometu nastupa samostalno i bez ograničenja u okviru poslovne sposobnosti i registrovane djelatnosti.

**Član 9.**

Društvo odgovara za svoje obaveze cjelokupnom svojom imovinom, osim prirodnih bogatstava i dobara u općoj upotrebi koja su mu data na korištenje.

Osnivač za obaveze Društva odgovara do visine svog osnivačkog udjela u Društvu.

**VI - UNUTRAŠNJA ORGANIZACIJA DRUŠTVA****Član 10.**

Društvo posluje kao jedinstveni pravni subjekt, a može imati i podružnice kao niže organizacione jedinice.

Statutom Društva određuje se sjedište, broj i ovlasti podružnica.

**Član 11.**

Rukovodiocce podružnica imenuje Uprava Društva uz prethodnu saglasnost Nadzornog odbora. Podružnice iz stava 1. ovog člana nemaju status pravnog lica.

**VII- UPRAVLJANJE I RUKOVOĐENJE DRUŠTVOM****Član 12.**

Društvo ima Nadzorni odbor i Upravu Društva.

**Član 13.**

Organ upravljanja u Društvu je Nadzorni odbor.

Nadzorni odbor broji sedam (7) članova i imenuje ga Vlada Unsko-sanskog kantona u skladu sa zakonom.

**Član 14.**

Nadzorni odbor Društva nadležan je da:

- nadzire poslovanje Društva,
- nadzire rad direktora Društva i Uprave društva
- usvaja izvještaj Društva o poslovanju po polugodišnjem i godišnjem obračunu sa bilansom stanja i bilansom uspjeha, te isti prosljeđuje Kantonalnom ministarstvu PViŠ, odnosno Vladi USK-a,
- odlučuje o imenovanju i razrješenju direktora Društva i Uprave u skladu sa Zakonom
- odlučuje o investicijama čija vrijednost prelazi 20.000,00 KM, založnom pravu nad imovinom Društva, zaduživanju Društva, iznajmljivanju osnovnih sredstava Društva ;

Nadzorni odbor Društva:

- a) uz saglasnost Skupštine kantona donosi:
  1. Dugoročni i srednjoročni plan razvoja Društva
  2. Odluke o investicijama čiji iznos prelazi 1 milion KM
- b) uz saglasnost Vlade Kantona donosi i vrši:
  1. Statut Društva
  2. Odluka kojom se uređuje mjerila za raspoređivanje dobiti Društva
  3. Izbor Uprave i direktora
  4. Odluke o investicijama čiji iznos prelazi 500.000,00 KM
- c) samostalno odlučuje o ostalim pitanjima u skladu sa Statutom i Zakonom o privrednim društvima.

**Član 15.**

Upravu Društva čine direktor i dva izvršna direktora.

Izvršni direktori Uprave imenuju se iz reda članova Društva, odnosno zaposlenih u Društvu.

Uprava društva:

- priprema prijedloge odluka za Nadzorni odbor
- i ostale poslove predviđene Zakonom o privrednim društvima.

**Član 16.**

Društvom rukovodi direktor.

Direktor Društva je po funkciji predsjednik Uprave Društva.

Izbor direktora se vrši na osnovu javnog konkursa.

Direktora imenuje i razrješava Nadzorni odbor Društva uz saglasnost Vlade Unsko-sanskog kantona.

#### **Član 17.**

Uprava Društva je ovlaštena da u ime Društva zaključuje ugovore, odobrava investicije čija vrijednost ne prelazi 20.000,00 KM.

Direktor Društva zastupa i predstavlja Društvo u pravnom prometu i u vanjskotrgovinskom poslovanju, bez ograničenja u okviru registrirane djelatnosti.

Lica koja zastupaju Društvo u vanjskotrgovinskom poslovanju dužna su čuvati ugled Društva, a posebno države BiH, kao i poslovnih partnera.

#### **Član 18.**

Uprava Društva i direktor Društva mogu u okviru svojih ovlaštenja dati pismenu punomoć o prenošenju ovlaštenja na drugo lice.

#### **Član 19.**

Direktor Društva organizuje i rukovodi procesom rada Društva, zastupa Društvo u odnosima sa trećim licima i odgovoran je za zakonitost rada Društva.

#### **Član 20.**

Nadzor nad zakonitošću rada Društva vrši Kantonalno ministarstvo poljoprivrede, vodoprivrede i šumarstva i drugi organi određeni zakonom.

### **VIII - PLANIRANJE POSLOVANJA**

#### **Član 21.**

Društvo planira svoje poslovanje i razvoj i odlučuje o vršenju, vrsti i sadržini planova poslovanja i razvoja Društva.

Društvo planiranje poslovanja i razvoja prilagođava ciljevima radi kojih je osnovano i uslovima djelovanja zakonitosti tržišta.

### **IX - UTVRĐIVANJE I RASPOREĐIVANJE DOBITI**

#### **Član 22.**

Utvrdjivanje prihoda, rashoda i rezultata poslovanja vrši se godišnjim obračunom u skladu sa Zakonom.

#### **Član 23.**

Na prijedlog Nadzornog odbora Vlada Kantona uz saglasnost osnivača odlučuje o raspodjeli dobiti na kraju poslovne godine.

### **X - PRAVA I OBAVEZE ZAPOSLENIH**

#### **Član 24.**

Zaposlenici u Društvu imaju prava, obaveze i odgovornosti utvrđene zakonom, kolektivnim ugovorima, pravilnicima i aktima Društva.

### **XI - AKTI DRUŠTVA**

#### **Član 25.**

Opći akti Društva su:

- Statut
- Pravilnici
- i drugi opći akti koje donosi Nadzorni odbor i Uprava Društva.

Društvo je obavezno da u roku od 60 dana od dana upisa u sudski registar donese Statut Društva.

### **XII - TRAJANJE I PRESTANAK DRUŠTVA**

#### **Član 26.**

Društvo je osnovano na neodređeno vrijeme i traje dok postoje ekonomski i zakonski uslovi za njegovo postojanje.

Društvo prestaje:

- odlukom Osnivača;
- u slučajevima predviđenim Zakonom.

U slučaju stečaja ili likvidacije Osnivač zadržava i koristi osnivačka prava.

### **XIII - PRELAZNE I ZAVRŠNE ODREDBE**

#### **Član 27.**

Izmjene i dopune ove Odluke vrše se na način i po postupku predviđen za njeno donošenje.







**Član 3.**

Uplate suvlasnika izvršene po rješenjima o prinudnoj upravi se prenose i računat će se kao uplate po osnovu zaključenog ugovora o upravljanju i održavanju iz člana 2. ove Odluke.

**Član 4.**

Ova Odluka stupa na snagu danom donošenja i objavit će se u "Službenom glasniku Unsko-sanskog kantona".

Broj: 03-017-95/2004  
11.mart 2004. god.  
Bihać

Premijer Kantona  
mr. **Ismet Kumalić**

470.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", br.2/97, "Službeni glasnik Unsko-sanskog kantona" br. 3/2000, 5/2000 i 3/2003), a u vezi sa članom 30. Zakona o Budžetima - Proračunima u F BiH ("Službene novine F BiH", br. 20/98) i člana 12. Zakona o izvršavanju Budžeta Unsko-sanskog kantona za 2004.godinu ("Službeni glasnik Unsko-sanskog kantona", br. 2/2004), Vlada Unsko-sanskog kantona na sjednici održanoj dana 11.03.2004.godine, donosi

**ODLUKU**

**O PRERASPODJELI SREDSTAVA  
U BUDŽETU UNSKO-SANSKOG KANTONA  
ZA 2004.GODINU**

**I**

Odobrava se preraspodjela sredstava u Budžetu Unsko-sanskog kantona za 2004. godinu ("Službeni glasnik Unsko-sanskog kantona", br. 2/2004).

**II**

Preraspodjela sredstava u Budžetu Unsko-sanskog kantona za 2004.godinu izvršit će se na slijedeći način:

1. kod budžetskog korisnika Općinski sud Bužim umanjiti sredstva na ekonomskom kodu 611100 brutto plaća i naknade za iznos od 44.712,00 KM

Za iznos iz prethodnog stava tačka 1. od 44.712,00 KM izvršit će se povećanje sredstava na grantu 611225 - otpremnine zbog prestanka službe kod budžetskog korisnika Kantonalnog ministarstva pravde.

**III**

O realizaciji ove Odluke starat će se Kantonalno ministarstvo finansija i Kantonalno ministarstvo pravde.

**IV**

Ova Odluka stupa na snagu danom donošenja i objavit će se u "Službenom glasniku Unsko-sanskog kantona".

Broj: 03-017-97/2004  
11. mart 2004. god.  
Bihać

Premijer Kantona  
mr. **Ismet Kumalić**

471.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", br.2/97, "Službeni glasnik Unsko-sanskog kantona" br.3/2000, 5/2000 i 3/2003), a u vezi sa članom 30. Zakona o Budžetima - Proračunima u F BiH ("Službene novine F BiH", br.20/98) i člana 12. Zakona o izvršavanju Budžeta Unsko-sanskog kantona za 2004.godinu ("Službeni glasnik Unsko-sanskog kantona", br.2/2004), Vlada Unsko-sanskog kantona na sjednici održanoj dana 23.03.2004.godine, donosi

**ODLUKU**

**O PRERASPODJELI SREDSTAVA U  
BUDŽETU UNSKO-SANSKOG KANTONA  
ZA 2004.GODINU**

**I**

Odobrava se preraspodjela sredstava u Budžetu Unsko-sanskog kantona za 2004. godinu ("Službeni glasnik Unsko-sanskog kantona", br. 2/2004).

**II**

Preraspodjela sredstava u Budžetu Unsko-sanskog kantona za 2004.godinu izvršit će se na slijedeći način:

1. kod budžetskog korisnika Kantonalnog ministarstva unutrašnjih poslova umanjiti sredstva na ekonomskom kodu 613900-ugovorene usluge za iznos od 100.000,00 KM, s tim da se sredstva po ekonomskom kodu 613000 - obaveze iz prethodne godine uvećaju za 100.000,00 KM.

**III**

O realizaciji ove Odluke starat će se Kantonalno ministarstvo finansija i Kantonalno ministarstvo unutrašnjih poslova.



**473.**

Na osnovu člana 17. Zakona o Vladi Unsko-sanskog kantona ("Sl.list Unsko-sanskog kantona", br.2/97, "Sl.glasnik Unsko-sanskog kantona" br.3/2000, 5/2000 i 3/2003), a u vezi sa članom 30. Zakona o Budžetima/ Proračunima u Federaciji BiH ("Sl. novine F BiH", 20/98) i člana 12. Zakona o izvršavanju Budžeta Unsko-sanskog kantona za 2004. godinu ("Sl. glasnik Unsko-sanskog kantona", br.2/2004), Vlada Unsko-sanskog kantona na sjednici održanoj dana 01.04.2004.godine, donosi

**ODLUKU**

**O UNUTRAŠNJOJ PRERASPODJELI  
SREDSTAVA IZ BUDŽETA  
UNSKO-SANSKOG KANTONA  
ZA 2004. GODINU**

**I**

Odobrava se unutrašnja preraspodjela sredstava predviđenih u Budžetu Unsko-sanskog kantona za 2004.godinu ("Sl.glasnik Unsko-sanskog kantona", br.2/2004), JU "Obdanište i dom učenika" Bosanska Krupa, organizacioni kod: 18-02-0004.

**II**

Unutrašnja preraspodjela sredstava u Budžetu Unsko-sanskog kantona za 2004.godinu u JU "Obdanište i dom učenika" Bosanska Krupa vrši se na slijedeći način:

1. umanjuje se ekonomski kod 613100 - putni troškovi za iznos od 600,00 KM, te za isti iznos povećava se ekonomski kod 613300 - izdaci za komunalne usluge;
2. umanjuje se ekonomski kod 613700 - izdaci za tekuće održavanje za iznos od 2.000,00 KM, te za isti iznos povećava se ekonomski kod 613300 - izdaci za komunalne usluge;
3. umanjuje se ekonomski kod 613700 - izdaci za tekuće održavanje za iznos od 1.000,00 KM, te za isti iznos povećava se ekonomski kod 613900 - ugovorene usluge;
4. umanjuje se ekonomski kod 613400 - nabavka materijala za iznos od 5.000,00 KM te za isti iznos povećava se ekonomski kod 613200 - izdaci za energiju.

**III**

O realizaciji ove Odluke starat će se Kantonalno ministarstvo finansija i JU "Obdanište i dom učenika" Bosanska Krupa.

**IV**

Ova Odluka stupa na snagu danom donošenja i objavit će se u "Sl.glasniku Unsko-sanskog kantona".

Broj: 03-017-144/2004  
1. april 2004. god.  
Bihać

Premijer Kantona  
mr. **Ismet Kumalić**

**474.**

Na osnovu člana 17. Zakona o Vladi Unsko-sanskog kantona ("Sl.list Unsko-sanskog kantona", br.2/97, "Sl.glasnik Unsko-sanskog kantona" br.3/2000, 5/2000 i 3/2003), a u vezi sa članom 30. Zakona o Budžetima/ Proračunima u Federaciji BiH ("Sl. novine F BiH", 20/98) i člana 12. Zakona o izvršavanju Budžeta Unsko-sanskog kantona za 2004. godinu ("Sl. glasnik Unsko-sanskog kantona", br.2/2004), Vlada Unsko-sanskog kantona na sjednici održanoj dana 01.04.2004.godine, donosi

**ODLUKU**

**O UNUTRAŠNJOJ PRERASPODJELI  
SREDSTAVA IZ BUDŽETA  
UNSKO-SANSKOG KANTONA  
ZA 2004. GODINU**

**I**

Odobrava se unutrašnja preraspodjela sredstava predviđenih u Budžetu Unsko-sanskog kantona za 2004.godinu ("Sl.glasnik Unsko-sanskog kantona", br.2/2004), JU Biotehnički fakultet Bihać, organizacioni kod: 18-05-0003.

**II**

Unutrašnja preraspodjela sredstava u Budžetu Unsko-sanskog kantona za 2004.godinu u JU Biotehnički fakultet Bihać vrši se na slijedeći način:

1. umanjuje se ekonomski kod 611100 - brutto plaće i naknade za iznos od 47.500,00 KM
  - povećava se ekonomski kod 613100 - putni troškovi za iznos od 28.000,00 KM;
  - povećava se ekonomski kod 613300 izdaci za komunalne usluge za iznos od 7.000,00 KM;
  - povećava se ekonomski kod 613400 - nabavka materijala za iznos od 5.000,00 KM;

- povećava se ekonomski kod 613500 - izdaci za usluge prevoza i goriva za iznos od 2.500,00 KM.

### III

O realizaciji ove Odluke starat će se Kantonalno ministarstvo finansija i JU Biotehnički fakultet Bihać.

### IV

Ova Odluka stupa na snagu danom donošenja i objavit će se u "Sl.glasniku Unsko-sanskog kantona".

Broj: 03-017-145/2004  
1. april 2004. god.  
Bihać

Premijer Kantona  
mr. **Ismet Kumalić**

## 475.

Na osnovu člana 17. Zakona o Vladi Unsko-sanskog kantona ("Sl.list Unsko-sanskog kantona", br.2/97, "Sl.glasnik Unsko-sanskog kantona" br.3/2000, 5/2000 i 3/2003), a u vezi sa članom 83. stav 1. Zakona o lijekovima ("Sl.novine F BiH", br.51/01) i članom 33. stav 1. Zakona o zdravstvenom osiguranju ("Sl.novine F BiH", br.30/97 i 7/02), Vlada Unsko-sanskog kantona na prijedlog Ministra Kantonalnog ministarstva zdravstva i socijalne politike, na sjednici održanoj dana 01.04.2004.godine, donosi

## ODLUKU

### O IZMJENAMA I DOPUNAMA ODLUKE O LISTI LIJEKOVA KOJI SE PROPISUJU I IZDAJU NA TERET SREDSTAVA ZAVODA ZDRAVSTVENOG OSIGURANJA UNSKO-SANSKOG KANTONA, KAO I NAČIN NJIHOVOG PROPISIVANJA I IZDAVANJA

#### Član 1.

U Odluci o Listi lijekova koji se propisuju i izdaju na teret sredstava Zavoda zdravstvenog osiguranja Unsko-sanskog kantona, kao i način njihovog propisivanja i izdavanja ("Sl.glasnik Unsko-sanskog kantona", br.5/03) član 11. mijenja se i glasi:

"Za liječenje melitus tip 1 osiguranom licu koje je inzulino ovisno mogu se propisati, u skladu sa Odlukom o opsegu prava na korištenje ortopedskih i drugih pomagala, zubnoprortetske pomoći i zubnoprortetskih nadomjestaka koji se osiguravaju u Zavodu zdravstvenog osiguranja Unsko-sanskog kantona, preparati sa špricama i

iglama pripremljeni za aplikaciju, u obliku ketridža i pena.

Osiguranom licu iz stava 1. ovog člana uz propisani lijek obavezno pripada i 100 ml alkohola i 50 g vate."

#### Član 2.

Član 33. mijenja se i glasi:

"Sastavni dio ove Odluke je Lista lijekova koji se mogu propisati i izdati na teret sredstava Zavoda zdravstvenog osiguranja Unsko-sanskog kantona.

Danom stupanja na snagu ove Odluke prestaje primjena Liste lijekova koji se mogu propisati i izdati na teret Zavoda zdravstvenog osiguranja Unsko-sanskog kantona, koju je Vlada Unsko-sanskog kantona donijela kao sastavni dio Odluke o Listi lijekova koji se propisuju i izdaju na teret sredstava Zavoda zdravstvenog osiguranja Unsko-sanskog kantona, kao i način njihovog propisivanja i izdavanja ("Sl.glasnik Unsko-sanskog kantona", br.5/2003).

Obrazac privatnog recepta kao sastavni dio Odluke citirane u stavu 2. ovog člana se nastavlja primjenjivati ."

#### Član 3.

Ova Odluka stupa na snagu danom donošenja i objavit će se u "Sl.glasniku Unsko-sanskog kantona".

Broj: 03-017-142/2004  
1. april 2004. god.  
Bihać

Premijer Kantona  
mr. **Ismet Kumalić**

## 476.

Na osnovu člana 17. Zakona o Vladi Unsko-sanskog kantona ("Sl.list Unsko-sanskog kantona", br.2/97, "Sl.glasnik Unsko-sanskog kantona" br.3/2000, 5/2000 i 3/2003), a u vezi sa članom 2. Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom ("Sl. glasnik Unsko-sanskog kantona, br. 7/2001), Vlada Unsko-sanskog kantona, na sjednici održanoj dana 01.04.2004.godine, donosi

## ODLUKU

### I

Ovom Odlukom utvrđuje se osnovica za obračun osnovne socijalne pomoći, tuđe njege, pomoći i smještaja u druge porodice, a u skladu sa članom 2. Zakona o izmjenama i dopunama











Kantona", br.2/97 i "Sl.glasnik Unsko-sanskog kantona", br.3/2000, 5/2000 i 3/2003), a u vezi sa članom 88. Zakona o Univerzitetu u Bihaću ("Sl.glasnik Unsko-sanskog kantona", br.8/98), Vlada Unsko-sanskog kantona na sjednici održanoj dana 01.04.2004.godine, donosi

## RJEŠENJE

### I

Razrješavaju se dužnosti članovi Upravnog odbora Biotehničkog fakulteta Univerziteta u Bihaću:

1. Zemira Delalić, član
2. Esad Halkić, član

a prestaje dužnost člana Upravnog odbora Biotehničkog fakulteta Univerziteta u Bihaću Alijagić Hasana (zbog smrti).

### II

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj: 03-017-156/2004  
1. april 2004. god.  
B i h a ć

Premijer Kantona  
mr. **Ismet Kumalić**

490.

Na osnovi člana 17. Zakona o Vladi Unsko-sanskog kantona ("Sl.list Unsko-Sanskog Kantona", br.2/97 i "Sl.glasnik Unsko-sanskog kantona", br.3/2000, 5/2000 i 3/2003), i člana 88. Zakona o Univerzitetu u Bihaću ("Sl.glasnik Unsko-sanskog kantona", br.8/98), a u vezi sa članom 4. stav 2. Zakona o ministarskim, vladinim i drugim imenovanjima u F BiH ("Sl. novine F BiH"; br.12/03), Vlada Unsko-sanskog kantona na sjednici održanoj dana 01.04.2004.godine, donosi

## RJEŠENJE

### O IMENOVANJU PRIVREMENOG UPRAVNOG ODBORA BIOTEHNIČKOG FAKULTETA UNIVERZITETA U BIHAĆU

### I

Radi omogućavanja nesmetanog rada Biotehničkog fakulteta Univerziteta u Bihaću i organa upravljanja istog, Vlada Unsko-sanskog kantona privremeno, a do okončanja postupka izbora i imenovanja članova Upravnog odbora Biotehničkog

fakulteta Univerziteta u Bihaću na način i po postupku predviđenom Zakonom o ministarskim, vladinim i drugim imenovanjima u F BiH, za članove privremenog upravnog odbora Biotehničkog fakulteta Univerziteta u Bihaću imenuju se:

1. Nermin Pračić
2. Vildana Alibabić
3. Azra Bećiraj - Bakrač

### II

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj: 03-017-157/2004  
1. april 2004. god.  
B i h a ć

Premijer Kantona  
mr. **Ismet Kumalić**

491.

Na osnovi člana 17. Zakona o Vladi Unsko-sanskog kantona ("Sl.list Unsko-Sanskog Kantona", br.2/97 i "Sl.glasnik Unsko-sanskog kantona", br.3/2000, 5/2000 i 3/2003), a u vezi sa članom 78. Zakona o osnovnoj školi ("Sl.glasnik Unsko-sanskog kantona", br.3/97, 4/98 i 11/98), Vlada Unsko-sanskog kantona na sjednici održanoj dana 01.04.2004.godine, donosi

## RJEŠENJE

### O RAZRJEŠENJU UPRAVNOG ODBORA JU OŠ "SUAD TABAKOVIĆ - ZVRKIĆ" TODOROVO

### I

Razrješavaju se dužnosti člana Upravnog odbora JU OŠ "Suad Tabaković - Zvrkić" Todorovo:

1. Šefik Vatreš
2. Fatima Čaušević
3. Smajo Sulejmanagić
4. Hasan Hilić
5. Hasan Čerimović

### II

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj: 03-017-154/2004  
1. april 2004. god.  
B i h a ć

Premijer Kantona  
mr. **Ismet Kumalić**

**492.**

Na osnovi člana 17. Zakona o Vladi Unsko-sanskog kantona ("Sl.list Unsko-Sanskog Kantona", br.2/97 i "Sl.glasnik Unsko-sanskog kantona", br.3/2000, 5/2000 i 3/2003), i člana 78. Zakona o osnovnoj školi ("Sl.glasnik Unsko-sanskog kantona", br.3/97, 4/98 i 11/98), a u vezi sa članom 12.tačka 3. Zakona o ministarskim, vladinim i drugim imenovanjima u FBiH ("Sl. novine F BiH"; br.12/03), Vlada Unsko-sanskog kantona na sjednici održanoj dana 01.04.2004. godine, donosi

**RJEŠENJE****O IMENOVANJU UPRAVNOG ODBORA  
JU OŠ "SUAD TABAKOVIĆ - ZVRKIĆ"  
TODOROVO****I**

Za članove Upravnog odbora JU OŠ "Suad Tabaković-Zvrkić" Todorovo imenuju se:

1. Mujo Milak, predsjednik
2. Suad Trako, član
3. Nermin Bašić, član
4. Fatima Huskić, član
5. Hata Sulejmanagić, član

**II**

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj: 03-017-155/2004  
1. april 2004. god.  
B i h a ć

Premijer Kantona  
mr. **Ismet Kumalić**

**493.**

Na osnovu člana 6. stav 1. Uredbe o stalnim sudskim tumačima ("Sl.glasnik Unsko - sanskog kantona" broj: 1/98), rješavajući po zahtjevu Midžan Elmina iz Sanskog Mosta, za postavljanje za stalnog sudskog tumača za njemački jezik, ministrica Kantonalnog ministarstva pravde, donosi:

**RJEŠENJE**

Midžan Elmin, profesor njemačkog jezika i književnosti iz Sanskog Mosta, postavlja se za stalnog sudskog tumača za njemački jezik za područje Unsko-sanskog kantona.

Broj: 07-11-708-UP-1/04  
10. mart 2004. god.  
B i h a ć

Ministrica  
**Marijana Vlašić**, dipl. pravnik

**494.**

Na osnovu člana 6. stav 1. Uredbe o stalnim sudskim tumačima ("Sl.glasnik Unsko - sanskog kantona" broj: 1/98), rješavajući po zahtjevu Kahrić Selme iz Bosanke Krupe, za postavljanje za stalnog sudskog tumača za njemački jezik, ministrica Kantonalnog ministarstva pravde, donosi:

**RJEŠENJE**

Kahrić Selma, profesor njemačkog jezika i književnosti iz Bosanske Krupe, postavlja se za stalnog sudskog tumača za njemački jezik za područje Unsko-sanskog kantona.

Broj: 07-11-1195-UP-1/04  
22. mart 2004. god.  
B i h a ć

Ministrica  
**Marijana Vlašić**, dipl. pravnik

## S A D R Ź A J

463. Zakon o izmjenama i dopunama zakona o prostornom uređenju Unsko-sanskog kantona	277	476. Odluka	289
464. Zakon o izmjenama i dopunama zakona o korištenju, upravljanju i održavanju zajedničkih dijelova i uređaja zgrada	278	477. Odluka	289
465. Odluka o promjeni i usklađivanju oblika organizovanja Javnog preduzeća "Unsko-sanske šume" Bosanska Krupa sa Zakonom o šumama ("Službene novine F BiH", broj 20/02 i 29/03), i Zakonom o privrednim društvima ("Službene novine F BiH", broj 23/99,45/00,2/02,6/02 i 29/03)	281	478. Odluka	290
466. Odluka	283	479. Odluka	290
467. Odluka	284	480. Odluka	290
468. Odluka	284	481. Odluka	291
469. Odluka	285	482. Odluka	291
470. Odluka o preraspodjeli sredstava u Budžetu Unsko-sanskog kantona za 2004.godinu	285	483. Rješenje o imenovanju privremenog Upravnog odbora ZU Dom zdravlja Bosanski Petrovac	291
471. Odluka o preraspodjeli sredstava u Budžetu Unsko-sanskog kantona za 2004.godinu	286	484. Rješenje o imenovanju v.d. direktora Kantonalne direkcije za ceste	292
472. Odluka o preraspodjeli sredstava u Budžetu Unsko-sanskog kantona za 2004.godinu	286	485. Rješenje	292
473. Odluka o unutrašnjoj preraspodjeli sredstava iz Budžeta Unsko-sanskog kantona za 2004. godinu	287	486. Rješenje	292
474. Odluka o unutrašnjoj preraspodjeli sredstava iz Budžeta Unsko-sanskog kantona za 2004. godinu	288	487. Rješenje o razrješenju članova Upravnog odbora Univerziteta u Bihaću	292
475. Odluka o izmjenama i dopunama Odluke o Listi lijekova koji se propisuju i izdaju na teret sredstava Zavoda zdravstvenog osiguranja Unsko-sanskog kantona, kao i način njihovog propisivanja i izdavanja	288	488. Rješenje o imenovanju privremenog Upravnog odbora Univerziteta u Bihaću	293
		489. Rješenje	293
		490. Rješenje o imenovanju privremenog Upravnog odbora Biotehničkog fakulteta Univerziteta u Bihaću	294
		491. Rješenje o razrješenju Upravnog odbora JU OŠ "Suad Tabaković - Zvrkić" Todorovo	294
		492. Rješenje o imenovanju Upravnog odbora JU OŠ "Suad Tabaković - Zvrkić" Todorovo	294
		493. Rješenje	295
		494. Rješenje	295

## OBAVJEŠTENJE

Obavještavamo pravna i fizička lica, dosadašnje pretplatnike, kao i lica koja žele da se pretplate za "Službeni glasnik Unsko-sanskog kantona" za 2004. godinu da godišnja pretplata iznosi 82,50 KM sa porezom, a pretplata se može izvršiti na račun broj 1650031000446067, u korist Budžeta USK-a, vrsta prihoda 722631, budžetska organizacija 2101001.